

**PNP KU ORADÓ INVITÁ PA PAPIA RIBA TEMA HOPI AKTUAL:
IMPAKTO DI FLUKTUASHON DI PREIS DI PETROLIO
RIBA EKONOMIA MUNDIAL**

Willemstad – Partido Nashonal di Pueblo (PNP), den su afán pa kontribuí na desaroyo di Kòrsou i alabes organisá un evento pa rekoudá fondo pa e próksimo kampaña elektoral, a invitá sr. Jimmie Wheeler di Houston, Texas pa fungi komo oradó prinsipal durante un sena ku lo tuma lugá djasabra próksimo, 23 di aprel di mitar di ocho (19.30) pa 11or di anochi (23.00) na Restorant Classics na Livingstone Resort na Janthiel. E tópiko di e diskurso lo ta e impakto di fluktuashon di preis di petrolio riba ekonomía global, mundu industrialisá i en partikular riba estadonan chikí ku ta den desaroyo, manera entre otro Kòrsou.

Sr. Wheeler a generá mas ku 20 aña di eksperensha den mundu di invershon, fushon i atkisishon grandi den indústria di petrolio, gas, entretenimento, bankero (entre otro JP Morgan Chase i Bank One) i tambe kasinonan. Aktualmente Jimmie “Big Wheel” Wheeler ta ko-fundadó di Cherokee Black Entertainment i Launch 360 Media, kaminda e ta Direktor di ámbos.

Pa mas informashon di e evento aki, por tuma kontakto ku sr. Henny Reinilla na 511-3384 of henny_reinilla@hotmail.com